

Supervizor se u Brčkom sastao sa komandantom EUFOR-a



Supervizor za Brčko Distrikt dr. Raffi Gregorian sastao se danas sa general-majorom Bernhardom Bairom, komandantom snaga Evropske unije (EUFOR) u Bosni i Hercegovini, koji je došao u svoju prvu zvaničnu posjetu Distriktu od kada je preuzeo komandu nad EUFOR-om u decembru 2009. godine. «Posjeta generala Baira Brčkom na samom početku njegovog mandata kao komandanta EUFOR-a je jasan znak da on uvažava strategijsku važnost Brčkog», rekao je supervizor Gregorian. «Svi mu zahvaljujemo na posjeti i poruci stabilnosti koja je ovom posjetom upućena u vrijeme političkih tenzija u BiH», rekao je Gregorian.

Supervizor Gregorian je ukratko izvijestio generala Baira i njegovo osoblje o uspostavljanju i razvoju Brčko Distrikta, napretku koji je ostvaren u ispunjavanju Konačne arbitražne odluke i preostalim izazovima. Najveći izazov je to što Vlada Republike Srpske, koju predvodi SNSD, trenutno odbija da ispoštuje pravne obaveze koje ima u skladu sa Konačnom odlukom, uključujući i one u vezi sa dugovanjima, entitetskim državljanstvom i električnom energijom. Takvo odbijanje predstavlja «ozbiljno nepoštovanje» Konačne odluke i osnovni je razlog koji onemogućava okončanje supervizije u Brčkom.

«General Bair odlično poznaje situaciju u Brčkom i važnu ulogu koju EUFOR mora da odigra u pogledu pružanja osjećaja bezbjednosti stanovnicima Brčkog i građanima BiH», rekao je supervizor. «Njegova posjeta u ovom trenutku je od posebnog

značaja, imajući u vidu da na teritoriji Brčko Distrikta ne može biti održan referendum bez prethodne saglasnosti supervizora u pisanoj formi», zaključio je Gregorian.